

Peringatan : Tiap-tiap orang yang menghantar pertanyaan hendaklah menulis nama dan alamatnya yang terang serta tandatangannya sekali. Pertanyaan-pertanyaan yang tidak mengikut syarat ini tidak dilayan.



kedua-duanya telah menutup aura-auratnya. Kesan kepada tegahan itu kita sendiri telah melihat bencananya yang tak payah disebutkan satu persatu bagaimana kejadian-kejadian yang mendukacita telah terjadi.

-----*-----*

Jaafar bin Haji Abdul Karim, Kampung Parit Kasam,
Batu Pahat bertanya : Apa hukumnya memandang perempuan yang sebangku dalam sekolah pada hal syarak mengharamkan berpandangan di antara lelaki dengan perempuan selain daripada muka dan dua pergelangan tangannya tetapi dalam sekolah Inggeris bolehlah disifatkan banyak perempuan-perempuan Islam dan lelakinya yang memakai pakaian yang disifatkan setengah telanjang ?

Jawab : Sudah terang bahawa syarak telah menetapkan aurat lelaki dan perempuan yang telah baligh serta menegah sepergaulan dan sepemandangan kerana akan membawa fitnah walaupun

pun baik di Eropah atau di Amerika yang telah mengutuk Yahudi yang telah menyebabkan hampir-hampir semillion jiwa bangsa Arab melarikan diri dengan tidak tentu halanya. " – sekianlah katanya.

Inilah riwayat perjuangan Palestin yang pahit yang telah dirasa oleh orang-orang Arab. Inilah dia jihad yang dianjurkan oleh Sahib Al-Samahah Al-Haji Amin Al-Husaini bagi tanah suci yang terdiri di dalamnya kiblat Islam yang pertama. Jihad ini adalah tanggungan kepada tiap-tiap umat Islam dan persatuanlah yang dapat menegakkan tanah suci itu supaya terletak ke tangan umat Islam semula. Sebahagian orang memandang bahawa dengan tidak adanya lagi AL-Malik Abdullah itu sudah terlepas suatu perkara yang rumit yang sentiasa dipandang oleh sebahagian daripada pembina-pembina persatuan umat Arab sebagai duri di dalam daging. Dengan keadaannya itu mereka berharap dapatlah ditaja semula persatuan mereka. Dapatkah mereka bersatu? Allah ju yang akan dapat menetapkannya.

Muhammad Dahlan Yaakob, Sekolah Melayu, Bekam, Sungki

Perang bertanya : Jika seorang anak gadis Cina telah jatuh cinta dengan seorang belia Melayu dengan gadis itu mengaku ia beragama Islam bolehkah kita kahwin dengannya atau tidak ?

Jawab : Boleh. Seorang kafir yang telah beriman kepada Allah telah putus pertalianya dengan kaum keluarganya dan jika dengan redhanya maka tidak menjadi halangan ia berkahwin dengan seorang lelaki Islam tetapi sebagai islah sangat molek. Kalau lebih dahulu dicari jalan keredhaan ibu bapanya sebagai kehormatan atas balasan penatnya membela anaknya di dalam masa kecilnya.

-----*-----*

Ahmad bin Ali – Raub Pahang, bertanya : Apa hukumnya mendirikan panggung sinima, sedang filem-filem yang dipertunjukkan di dalamnya adalah filem-filem biasa, adakah hasil-hasil yang didapati daripadanya halal atau haram ?

Jawab : Mendirikan panggung sinima tidak ada apa pantang larangan-larangan hukumnya seperti rumah biasa ju. Tentang halal haramnya adalah bergantung kepada jenis-jenis filem yang dipertunjukkan di situ. Umpamanya filem-filem dakyah Haji adalah hukumnya harus bahkan dituntut kerana menggalakkan kepada ibadah Haji. Demikian juga filem-filem yang berdasar sejarah dan sebagainya yang suci daripada pemandangan-pemandangan yang merosakkan akhlak adalah kesemuanya harus belaka. Adapun filem-filem lucu yang merosakkan akhlak maka hukumnya haram demikian juga hasil pendapatannya.

-----*-----*

Jaafar As-Sani, Patani Seteriat, Singapura bertanya :

Seoang gadis telah beraku saudara kandung dengan seorang belia yang bukan keluarganya, kemudian entah macam mana akuan itu telah pecah dan mereka berkahwin – adakah sah perkahwinan itu ?

Jawab : Sah

-----*-----*

Abdul Rasyid bin Taib, Cengkah Tualang, Kota Baharu, Perak bertanya : Seorang membeli anak seperti anak Cina niatnya apabila besar dijadikan isterinya – sahkah perkahwinannya nanti dengan tidak nikah ?

Jawab : Perkahwinan itu hendaklah diaqadkan serta ditanya keredhaan perempuan itu sendiri. Kalau perempuan tidak redha, tidak sah nikahnya dan apalagi sudah terang haram kalau tidak bernikah.

-----*-----*

Wancik bin Hashim, Bakar Kapur, Penaga Kuala Batas Seberang Perai utara bertanya : Apa sebabnya Raja-raja Melayu tidak ada yang menuaikan rukun Islam yang kelima (fardhu Haji) -adakah yang demikian tidak wajib?

Jawab : Fardhu Haji itu wajib kepada tiap-tiap orang yang mukalaf yang mampu menjalankannya. Sesiapa juar daripada orang Muslimin yang mampu tidak mengerjakannya maka adalah ia berdosa. Tentang pergi itu adalah bergantung kepada iman dan kepercayaan seseorang serta kecenderungan kepada agama. Mana Raja-raja yang cenderung kepada agama sudah tentu ia akan menuaikan fardhu Haji. Sepanjang yang diketahui dalam masa lebih daripada 20 tahun ini hanya seorang sahaja Raja Melayu yang memerintah yang menuaikan fardhu Haji iaitu Sultan Brunei yang ada sekarang di dalam mana kehidupannya adalah sangat cenderung kepada agama Islam.

-----*-----*

Abdul Ani Ulu Yam Baharu, Selangor bertanya : Apa hukumnya lelaki memakai pakaian cara perempuan dan perempuan memakai cara lelaki ?

Jawab : Haram.

-----*-----*

Halimah Hussain Madrasah Tarbiah Islamiah, Mental

Hospital, Singapura bertanya : Bagaimana hukumnya seorang suami menderma atau memberi darah kepada isterinya sendiri untuk dimasukkan ke dalam tubuh yang kekurangan darah kerana sakit dan lain-lain sebab – bolehkah atau tidak ?

Jawab : Boleh. Bukan sahaja darah itu diharuskan kepada isteri atau keluarga kita tetapi jika didapat mustahak kepada darah dan tidak memberi mudarat kepada diri kita hendaklah kita memberikan darah kita kepada mereka sekalipun bukan daripada orang Islam, untuk menyelamatkan nyawa mereka. Darah itu menurut segi ilmu sains adalah pada suatu masa sangat mustahak untuk memberi pertolongan dan sebab itulah di dalam tiap-tiap buah negeri selalu meminta orang ramai yang cukup sihat memberikan darahnya bagi kesiapan-kesiapan menolong mereka yang berkemalangan sama ada kerana sakit atau sebagainya yang berhajat kepada bantuan darah itu.

Syieikh Azhar, Syieikh Abdul Majid Salim di dalam petuanya menyatakan bahawa harus menggunakan darah itu sama ada darah daripada orang kafir atau pun darah Islam untuk orang kafir apabila didapat mustahak bagi menyelamatkan orang itu oleh kerana darurat.

-----*-----*

Usman bin Ngah, Sekolah Melayu Paya Bunga, Terengganu bertanya : Mengapa agama Islam sekarang menjadi mundur.

Jawab : Agama Islam dari dahulu hingga sekarang pengajarannya tetap seperti mula. Tetapi yang mundur ialah pemeluk-pemeluknya. Jika pada masa dahulu orang-orang Islam berdoa meminta rezeki – ia tidak duduk bertadah tangan sahaja tetapi berusaha berikhtiar menjayakan apa yang dimintanya itu. Palestin tidak akan jatuh ke tangan Yahudi kalau tiap-tiap orang Muslimin yang berdoa minta lepaskan Palestin itu berikhtiar untuk menegakkannya. Kemunduran yang terjadi tidak lain dan tidak bukan sebab-sebabnya ialah oleh kerana pemeluk-pemeluknya tidak memahamkan tujuan-tujuan pengajarannya yang menyeru tiap-tiap seorang berusaha berikhtiar mencari kemajuan dunia dan membawa kesejahteraan bagi akhirat kelak.